

立賣杜根契人族叔得財。有自置埔園一段，坐落萬丹庄，土名中圳，經明丈叁分。東至張家田；西至車路；南至張家田；北至石家田爲界。四至界址明白。今因無銀別用，情願將此埔園出賣，先問至親人等，不能承受，外托中引就送與族姪溪祥出首承買，當日三面言定值時價銀式拾伍大員。其銀即日全中交訖，隨將埔園踏付與銀主前去掌管，耕墾爲業，與他人無干。一賣終休，日后子孫不敢言及找贖。保此埔園果係財自置物業，與至親人等無干，亦無重張典掛他人財物，及交加來歷不明等情。如有此情，財自抵當，不敢買主之事。此係二比甘愿，各無抑勒反悔。口恐無憑，立賣杜根契壹紙，送執爲炤。

即日全中收過賣杜根契銀式拾五大員完足，再炤。

爲中併代書 曾成美（花押）
知見人房弟 輝明（花押）

乾隆三十九年十月 日

立賣杜根契人族叔 得財（花押）

